

Iluarsiissut

Siunnersuut 28. oktober 2025-meersoq taarserpaa

(Erngup nukinganik nukissiorfiit niuernermik tunngaveqartut pillugit § 4, imm. 2, nr. 8
ilanngunneqarpoq)

Uunga siunnersuut:

Nunanit allanit aningaasaliinerit ilaasa misissorneqartarnissaat pillugit Inatsisartut inatsisaat

Siunertaq

§ 1. Aningaasaliinerit taamaattut misissornerisigut aamma akuliuttoqassappat akuliunnikkut, nunanit allanit aningaasaliinerit Kalaallit Nunaata isumannaatsuunissaanut imaluunniit tamat toqqissisimatinneqarnissaannut navianartorsiortitsisinnaanerisa pitsaaliorneqarnissaat, Inatsisartut inatsisaata massuma siunertaraa.

Atuuffissaa

§ 2. Nunanit allanit aningaasaliinerit, nunat allamiut aningaasaliisartuinit aningaasaliissutigineqartussatut eqqarsaatigineqartunut imaluunniit naammassineqartunut, Inatsisartut inatsisaat manna atuuppoq.

Nassuiaatit

§ 3. Inatsisartut inatsisaanni matumani tulliuuttut ima paasineqassapput:

- 1) Immikkoortortaqarfik: Iluseq aaqqissuussinermut atorneqartoq apeqqutaatinnagu suliffeqarfik inuussutissarsiutilik imaluunniit suliffeqarfik inuussutissarsiutiginnagu suliffeqarfiusoq, pisortani oqartussaasut, aningaasaateqarfiit, peqatigiiffiit, sullissiviit il.il.
- 2) Kalaallit Nunaata isumannaatsuunissaa: Pissutsit Kalaallit Nunaata nunakkut, immakkut imaluunniit silaannakkut killeqarfiisa innarligassaanninnerannut innuttaasullu ataannarnissaanut tunngassuteqartut, iliuutsit Kalaallit Nunaata atassuteqarnerinut aamma soqutigisaannut aarlerinartut aamma aarlerinarsinnaasut, aamma iliuutsit Kalaallit Nunaata ajoquserneqarnissaanik siunertaqartut.
- 3) Tamat toqqissisimatinneqarnissaat: Pissutsit, matumuuna Kalaallit Nunaata isumannaatsuunissaanut sunniuteqartinnagit, Kalaallit Nunaata, inuinnaat

naalakkersueqataanerannut aamma inuiaqatigiit isumannaatsuunissaasa attassinissaanut tunngassuteqartut.

4) Nunanit allanit aningaasaliineq:

- a) Immikkoortortami Kalaallit Nunaanni angerlarsimaffeqartumi, piginnittutut piginneqataassutini imaluunniit taasisinnaatitaanernik minnerpaamik 25 pct.-iusunik toqqaannartumik imaluunniit toqqaannanngitsumik pigisaqarnermik imaluunniit pissaaneqarfeqarnermik angusineq.
- b) immikkoortortami Kalaallit Nunaanni angerlarsimaffeqartumi, piginnittutut piginneqataassutsip annertussusaanik imaluunniit taasisinnaatitaanernik toqqaannartumik imaluunniit toqqaannanngitsumik minnerpaamik pingajorarterutinut, 50 pct.-inut, pingajorarterutinut marlunnut imaluunniit 100 pct.-imut qaffaaneq imaluunniit pissaaneqarfeqarnek, imaluunniit
- c) immikkoortortami Kalaallit Nunaanni angerlarsimaffeqartumi imaluunniit immikkoortortap Kalaallit Nunaanni angerlarsimaffeqartup suliassa qarfiini ingerlatsinermut pingaaruteqartuni allakkut toqqaannartumik imaluunniit toqqaannanngitsumik aqutsinermut tunngassuteqartunut, aningaasaqarnermut tunngassuteqartunut, ineriartortitsinermut tunngassuteqartunut imaluunniit ingerlatsinermut tunngassuteqartunut, aalajangiisumik pissaaneqarneq kiisalu
- d) Kalaallit Nunaata isumannaatsuunissaanut imaluunniit tamat toqqissisimatinneqarnissaanut navianartorsiortitsisumik Kalaallit Nunaanni suliniummik allamik tigusineq imaluunniit aallartitsineq.

5) Aningaasaliisartoq nunamit allameersoq: Inuk, qallunaat naalagaaffianni innuttaasutut pisinnaatitaanngitsoq, imaluunniit qallunaat naalagaaffianni innuttaasutut pisinnaatitaasoq, kisianni ukiut 5 sioqqullugit Kalaallit Nunaanni aalajangersimasumik najugaqarsimanngitsoq, aamma Kalaallit Nunaannut tamakkiisumik akileraartussaataitaanngitsoq aamma ukiut ilivitsut 5 sioqqullugit Kalaallit Nunaannut tamakkiisumik akileraartussaataitaasimanngitsoq, imaluunniit inatsisitigut pisinnaatitaasoq pisussaataitaasorlu, Kalaallit Nunaanni angerlarsimaffeqanngitsoq, imaluunniit ingerlatseqatigiiffik aqutaq imaluunniit Kalaallit Nunaata avataanit inatsisitigut pisinnaatitaasup pisussaataitaasullu immikkoortorta qarfia Kalaallit Nunaanni angerlarsimaffeqartoq, kiisalu nunani oqartussaasut aamma nunani allani naalagaaffiup sullissivii.

Nunanit allanit aningaasaliinissamut akuersissuteqarnissaq pillugu qinnuteqarneq aamma akuersissuteqarnissaq pillugu noqqaassuteqarneq

§ 4. Aningaasaliisartoq nunanit allaneersoq, suliassa qarfiit aamma suliniutit immikkut ittumik malussarissuseqartut iluanni nunanit allanit aningaasaliinissap naammassineqarnissaanik siunertaqartoq, , tak. imm. 2, aningaasaliinissaq sioqqullugu aningaasaliinissaq pillugu akuersissummik Naalakkersuisunut qinnuteqassapput.

Imm. 2. Suliassa qarfiit immikkut ittumik malussarissuseqartut aamma suliniutit, imm. 1-imi taaneqartutut Kalaallit Nunaata isumannaatsuunissaanut imaluunniit tamat toqqissisimatinneqarnissaannut tunngassuteqartut, tulliuttuni ilaatinneqarput:

- 1) Illersornissamut suliassa qarfiup iluani suliffeqarfik.
- 2) It-kkut isumannaatsuunissamut atuuffiit iluanni imaluunniit paasissutissat isertuussat suliarineqarnerannut suliffeqarfik.
- 3) Suliffeqarfik nioqqutissianik marloqiusamik atorneqarsinnaasunik nioqqutissiortoq.
- 4) Nr. 1-imiit 3 ilanngullugu taaneqartunit allaanerusumik teknikkikkut atortorissaarutit pingaarutillit allat pillugit suliffeqarfik.
- 5) Attaveqaasersuutit pingaarutillit.
- 6) Aatsitassanut suliassa qarfik.
- 7) Ingerlatseqatigiiffiit Namminersorlutik Oqartussanit pigineqartut.
- 8) Erngup nukinganik nukissiorfiit niuernermik tunngaveqartut.

Imm. 3. Suliassa qarfiit suliniutillu imm. 2-mi ilaatinneqartut killilersorneqarnissaat pillugit Naalakkersuisut malittarisassanik erseqqinnerusunik aalajangersaasinnaapput.

§ 5. Aningaasaliisup nunami allameersup, nunamit allamit aningaasaliinissatut eqqarsaatigineqartup imaluunniit naammassineqartup, § 14-imi ilaatinneqanngitsup, akuersissutigineqarnissaa pillugu Naalakkersuisut noqqaavigisinnaavai.

§ 6. Nunanit allanit aningaasaliinerup, § 4-imi ilaatinneqanngitsup, aamma § 5 malillugu nalunaarutigineqarsimanngitsup, naammassineqarneranit ukiut 5 tikillugit aningaasaliineq Kalaallit Nunaata isumannaatsuunissaanut imaluunniit tamat toqqissisimatinneqarnissaannut navianartorsiortitsinersoq, Naalakkersuisut misissussallugu aalajangersinnaavaat.

§ 7. Qinnuteqaateqarneq nalunaarutiginninnerlu pillugit, matumani qinnuteqaatit digitaliusumik tunniunneqarnissaat ilanngullugu, ingerlatseriaatsit pillugit malittarisassat erseqqinnerusut Naalakkersuisut aalajangersarsinnaavaat.

Nunanit allanit aningaasaliinerit eqqarsaatigineqartut imaluunniit naammassineqartut pillugit aalajangiinerit

§ 8. Aningaasaliinernut taamaattunut misissuinikkut aamma akuliuttoqassappat akuliunnikkut, nunanit allanit aningaasaliinissaq qinnutigineqartoq imaluunniit nalunaarutigineqartoq Kalaallit Nunaata isumannaatsuunissaanut imaluunniit tamat toqqissisimatinneqarnissaannut navianartorsiortitsinngitsoq takuneqarsinnaalerpat, nunanit allanit aningaasaliinerup § 4-imi imaluunniit § 5-imi ilaatinneqartup akuerineqarnissaa imaluunniit akuersissutigineqarnissaa pillugu

Naalakkersuisut akuersissuteqassapput. Aningaasaliineq Kalaallit Nunaata isumannaatsuunissaanut imaluunniit tamat toqqissisimatinneqarnissaannut navianartorsiortitsisinnaappat, aamma taamaattoqarnera § 9 malillugu piumasaqaateqarnikkut pakkerneqarsinnaasimanngippat, Naalakkersuisut nunanit allanit aningaasaliineq itigartitsissutigissavaat imaluunniit naammassineqarnissaa inerteqqutigissallugu.

Imm. 2. Naalakkersuisut imm. 1 malillugu aalajangiinissaasa tungaannut, nunanit allanit aningaasaliinerup, inaarutaasumik naammassineqarsimanngitsup, naammassineqarnissaa Naalakkersuisut utaqqiisaagallartumik inerteqqutigisinnaavaat.

Imm. 3. Nunamit allamit aningaasaliisup noqqaassuteqarnerata kingorna, imm. 1 malillugu utaqqiisaagallartumik akuersissuteqarnissaq pillugu Naalakkersuisut aalajangiisinnaapput.

§ 9. Aningaasaliinerup Kalaallit Nunaata isumannaatsuunissaanut imaluunniit tamat toqqissisimatinneqarnissaannut navianartorsiortitsisinnaanerata pitsaaliorneqarnissaa siunertaralugu, nunanit allanit aningaasaliinerup, § 4-imi imaluunniit 5-imi ilaatinneqartup, naammassineqarnissaanut piumasaqaatit Naalakkersuisunik isumaqatigiissutigineqartut, aningaasaliisartup nunanit allaneersup eqqortissallugit neriorsuutigisinnaavai.

Imm. 2. Aningaasaliinerup Kalaallit Nunaata isumannaatsuunissaanut imaluunniit tamat toqqissisimatinneqarnissaannut navianartorsiortitsisinnaanerata pitsaaliorneqarnissaa siunertaralugu, nunanit allanit aningaasaliinerup, § 4-imi imaluunniit 5-imi ilaatinneqartup, akuerineqarnissaanut imaluunniit akuersissutigineqarnissanut piumasaqaatinik pinngitsoornani naammassisassanik Naalakkersuisut aalajangersaasinnaapput.

Imm. 3. Nunanit allanit aningaasaliineq attanneqartillugu, imm. 1 aamma imm. 2 malillugit piumasaqaatit eqqortinneqassapput. Piumasaqaatit isumaqatigiissutigineqartut qanoq ilillugit qularnaarneqarnersut pillugit, aningaasaliisartup nunanit allaneersup, ukiumoortumik nalunaarusiaq nassiuttassavaa. Nalunaarusiami paasissutissat eqqortuunerat pillugit kukkunersiuisumit, Kukkunersiuisut aamma kukkunersiuiinermik suliffeqarfiit akuerisaasut pillugit inatsimmik Kalaallit Nunaannut atuutilersitsineq pillugu peqqussut malillugu akuerisaasumit, aamma aningaasaliisumit nunamit allameersumit attuumassuteqannginnerminik uppersaasumik, nalunaarummik nalunaarusiaq ilaqartinneqassaaq.

§ 10. Ilaatigut pisut tulluuttut pisimatillugit, aalajangiineq Naalakkersuisut allanngortissinnaavaat imaluunniit utertissinnaavaat:

- 1) Aalajangiineq paasissutissat eqqunngitsunik imaluunniit paatsiveerussaataasut tunngavigalugit aalajangerneqarsimappat.
- 2) § 9 malillugu piumasaqaatinik eqqortitsinnginneq imaluunniit piumasaqaatit pillugit nalunaarusiornissamik eqqortitsinnginneq.

- 3) § 4 malillugu, § 3, nr. 4, naqinneq b malillugu, Kalaallit Nunaanni immikkoortortami piginnittutut piginneqataassutsinik imaluunniit taasisinnaatitaanernik toqqaannartumik imaluunniit toqqaannangitsumik peqarnerup imaluunniit pissaaneqarfeqarnerup imaluunniit aalajangiinerni aalajangiisuusumik pissaaneqarnerup annertusineqarnerani akuersissummik peqarnissaq pillugu nutaamik qinnuteqarnissamut pisussaaffiup eqqortinneqannginnera.
- 4) § 12-imut akerliu sumik aningaasaliisarteq nunanit allaneersaq paasissutissanik Naalak kersuisunut tunniussinngilaq.
- 5) Pissutsit allanngornerat, Kalaallit Nunaata isumannaatsuunissaanut imaluunniit tamat toqqissisimatinneqarnissaannut ilungersunartumik navianartorsiortinneqarnerannik kinguneqartut.

§ 11. § 10 malillugu aningaasaliineq pillugu akuersineq imaluunniit akuersissuteqarneq utertinneqarsimappat, aamma Kalaallit Nunaata isumannaatsuunissaanut tamallu toqqissisimanissaannut aningaasaliineq navianartorsiortitsisinnaappat, imaluunniit nunanit allanit aningaasaliineq § 8 malillugu itigartitsinermut imaluunniit inerteqquteqarnermut akerliu sumik naammassineqarsimappat, nunanit allanit aningaasaliinerup atorunnaarsinneqarnissaa pillugu Naalakkersuisut naalakkiuteqarsinnaapput.

Imm. 2. Aningaasaliisarteq nunanit allaneersaq § 4-mut akerliu sumik akuersissummik qinnuteqarsimanngippat, aamma Kalaallit Nunaata isumannaatsuunissaanut tamallu toqqissisimanissaannut aningaasaliineq navianartorsiortitsisinnaappat, nunanit allanit aningaasaliinerup atorunnaarsinneqarnissaa pillugu Naalakkersuisut naalakkiuteqarsinnaapput.

Imm. 3. Nunanit allanit aningaasaliineq § 6-imi ilaatinneqartoq, Kalaallit Nunaata isumannaatsuunissaanut tamallu toqqissisimanissaannut aningaasaliineq navianartorsiortitsisinnaappat, nunanit allanit aningaasaliinerup atorunnaarsinneqarnissaa pillugu Naalakkersuisut naalakkiuteqarsinnaapput.

Nalunaaruteqartarneq aamma paasissutissanik pissarsiniartarneq

§ 12. Nunanit allanit aningaasaliinerit Kalaallit Nunaata isumannaatsuunissaanut imaluunniit tamat toqqissisimatinneqarnissaannut navianartorsiortitsisinnaanerat imaluunniit Inatsisartut inatsisaat manna malillugu apeqqutit allat naliliiffiginarlugit, aningaasaliisartumit nunanit allaneersumit paasissutissat pisariaqartinneqartut tamaasa Naalakkersuisut piumasaqaatigisinnaavaat. Paasissutissat eqqortuunerat pillugit kukkuner siuisumit, Kukkuner siuisut aamma kukkuner siuiner mik suliffeqarfiit akuerisaasut pillugit inatsimmik Kalaallit Nunaannut atuutilersitsineq pillugu peqqussut, Kalaallit Nunaannut atuutilersinneqartoq malillugu akuerisaasumit, nalunaarummik nalunaarusiaq ilaqartinneqassasoq, Naalakkersuisut piumasaqaatigisinnaavaat. Inuk, imm. 2 malillugu nalunaarummik tunniussisoq, aningaasaliisumit nunamit allameersumit attuumassuteqannginnini uppersassavaa.

Imm. 2. Aammattaaq akuusuni attuumassuteqartuni paasissutissanik Naalakkersuisut pissarsiniarsinnaapput, matumani ilaatigut aningaasaliisumit nunamit allaneersumit paasissutissat uppersarneqarnissaat siunertaralugu Kalaallit Nunaanni immikkoortortaqaarfimmit paasissutissat ilanngullugit, imaluunniit Kalaallit Nunaanni immikkoortortaqaq pillugu paasissutissat pissarsiarineqarnerat, matumani aqutsisut ilusaat aamma ingerlatsiviit suliassaqaarfigisai ilanngullugit.

Imm. 3. Inatsisartut inatsisaat manna malillugu sulianik suliarinninnermut atugassanik nunat allat oqartussaasuinik paasissutissat avitseqatigiissutigineqarsinnaanerata pillugu Naalakkersuisut malittarisassanik aalajangersaasinnaapput.

Nakkutilliineq aamma tamanut saqqummiussineq

§ 13. Nunanit allanit aningaasaliinerit, Inatsisartut inatsisaanni matumani ilaatinneqartut, Naalakkersuisut nakkutilliivigissavaat aamma tamanna pillugu malittarisassanik erseqqinnerusunik aalajangersaasinnaallutik.

Imm. 2. Tamanna pisariaqartinneqartutut nalilerneqarpat, Inatsisartut inatsisaat manna malillugu imaluunniit tassannga malittarisassat aalajangersarneqartut malillugit, Naalakkersuisut aamma oqartussaasunit allanit sinniisut nakkutilliinnermut- aamma nakkutiginninnermut atasumik suliaqarnerminnut atugassaminnik, pisariaqartumik qanoq iliorsinnaaneranut uppersaateqarlutik aamma eqqartuussivimmit aalajangiinertaqaanngitsumik inuussutissarsiornermut tunngasumik ininut aamma assartuutitut isersinnaatitaapput.

Imm. 3. Imm. 2 malillugu nakkutilliinnermi- aamma nakkutiginninnermi sunniuteqarluartumik suliaqarnerup naammassineqarnissaannut, immikkoortortat aamma aningaasaliisartut nunanit allaneersut pisariaqartinneqartumik Naalakkersuisunut ikiuutissapput, matumani paasissutissat attuumassuteqartut tunniullugit, inuussutissarsiornermut tunngasumik ininut aamma assartuutitut isersinnaatitsineq aamma nakkutilliartornermi ikiuunneq ilanngullugit.

§ 14. Tamanna naleqquttutut isigineqartillugu, Inatsisartut inatsisaat malillugu nakkutilliinerup aallartinneqarnissaa imaluunniit aallartinneqarsimanera, nakkutilliinnermit inerniliussat kiisalu Inatsisartut inatsisaat aamma malittarisassat tassannga atulersinneqartut malillugit aalajangiinerit, Naalakkersuisut tamanut saqqummiussinnaavaat.

Akiliut

§ 15. Aningaasartuutitut, Inatsisartut inatsisaat manna aamma malittarisassat tassannga atulersinneqartut malillugit oqartussaasut suliarinninnerannut atassuteqartunut, akiliutit akilerneqarnissaat pillugit Naalakkersuisut malittarisassanik aalajangersaasinnaapput.

Pinngitsaaliissummik taarsiissutitalimmik pigisanik piginnikkunnaarsitsineq

§ 16. Inatsisartut inatsisaat manna malillugu iliuusissat naammassineqarnissaannut pisariaqartinneqartumik annertussusilimmik, namminerisamik pigisanik pinngitsaaliissummik taarsiissutitalimmik pigisanik piginnikkunnaarsitsineq Naalakkersuisut aallartissinnaavaat.

Imm. 2. Inatsit manna malillugu iliuutsit naammassineqarnerat pinngitsaaliissummik taarsiissutitalimmik pigisanik piginnikkunnaarsitsinerusumik akuliunneruppat, piginnittumut imaluunniit piginnittunut attuumassuteqartunut tamakkiisumik taartisiaqartitsisoqassaaq.

Imm. 3. Imm. 1 malillugu pinngitsaaliissummik taarsiissutitalimmik pigisanik piginnikkunnaarsitsinermi suleriaaseq pillugu malittarisassanik erseqqinnerusunik Naalakkersuisut aalajangersaasinnaapput.

Attaveqatigiinneq aamma oqaatsit pillugit piumasaqaatit il.il.

§ 17. Akuersissuteqarnissaq pillugu qinnuteqaatit, nalunaarutiginninnerit, piumasaqaatit pillugit neriorsuutit, nalunaarusiat il.il., Naalakkersuisunut nassiunneqartut, kalaallisut, qallunaatut imaluunniit tuluttut allanneqassapput, taamaattoq imm. 2 takuuk.

Imm. 2. Qinnuteqaatit tuluttut imaluunniit qallunaatut nassiunneqartillugit, aamma kalaallisut imaluunniit tuluttut nutserneqarnissaat pisariaqartinneqartoq Naalakkersuisut nalilerpatigit, taamaaliornermut aningaasartuutit qinnuteqartup imaluunniit nalunaarutiginnittup akilissavai.

Tamanut saqqummiussisussaataitaaneq nipangiussisussaataitaanerlu

§ 18. Pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaanni allagaatinik takunnissinnaatitaaneq aamma inuup imminut tunngasumik paasissutissat pillugit takunnissinnaatitaanera pillugit malittarisassat, sulianut Inatsisartut inatsisaat manna imaluunniit tassannga malittarisassat malillugit suliarineqartunut, atuutinngillat.

§ 19. Naalakkersuisut naalagaaffimmilu oqartussaasut pinerluttulerinermi inatsimmi §§ 50-imiit 54 ilanngullugu aalajangersakkat malillugit akisussaaffeqarlutik, paasissutissat allanut oqaatigeqqusaanngitsut, Inatsisartut inatsisaat manna malillugu oqartussaasutut suliaassanik isumaginninnertik aqputigalugu ilisimalikkatik, isertuutissallugit pisussaaffeqarput, taamaattoq § 14 takuuk. Inunnut, oqartussaasut ingerlatsinerannut atasumik sullissinerit pillugit suliaassanik suliaqartunut, aamma paasisimasalinnut, Naalakkersuisut naalagaaffimmilu oqartussaasut sinnerlugit sulisunut tamanna aamma atuuppoq. Sulinerlut- imaluunniit isumaqatigiisummut pissutsit atorunnaareersimagaluartut, tamanna aamma atuuppoq.

Imm. 2. Inummit, nipangiussisussaataitanermit illersorneqartussatut siunertaqarfigineqartumit akuersissut, inuit imm. 1-imi taaneqartut paasissutissanik allanut oqaatigeqqusaanngitsunik ingerlatitseqqinnissaannut pisinnaatitsilersitsinngilaq.

Imm. 3. Imm. 1 apeqqutaatinnagu, oqartussaasunut erseqqinnerusumik taaneqartunut paasissutissanik allanut oqaatigeqqusaanngitsunik ingerlatitseqqissinnaaneq pillugu, Naalakkersuisut aalajangersakkanik aalajangersaasinnaapput.

Imm. 4. Kikkut tamarmik, imm. 3 malillugu malittarisassat aalajangersarneqartut malillugit paasissutissanik allanut oqaatigeqqusaanngitsunik Naalakkersuisunit tigusaqartut, paasissutissat taakku eqqarsaatigalugit, imm. 1-imi taaneqartutut nipangiussisussaataitaapput.

Atortitsineq

§ 20. Isumaqatigiissut § 8 malillugu itigartitsissummut imaluunniit inerteqquteqarnermut imaluunniit § 11 malillugu naalakkiutigineqartumut akerliusumik isumaqatigiissutigineqartoq imaluunniit attanneqartoq atuutinngilaq.

Imm. 2. § 8 malillugu itigartitsineq imaluunniit inerteqquteqarneq imaluunniit § 11 malillugu atorunnaarsitsinissamik naalakkiutigineqartoq malinneqanngippat, Kalaallit Nunaanni oqartussaasumit akuersissut suugaluartorluunniit nunanit allanit aningaasaliiffigineqartut Naalakkersuisut atorunnaarsissinnaavaat.

§ 21. § 11 malillugu nunanit allanit toqqaannartumik aningaasaliinerup atorunnaarsinneqarnissaa pillugu naalakkiut malinneqanngippat, immikkoortortaqarfimmi pineqartumi Kalaallit Nunaanni najugaqartumi, aamma nunanit allanit aningaasaliisup nakkutigisaani, piginnittutut piginneqataassuseq taasisinnaatitaanermut attuumassuteqartoq atorunnaarsinniarlugu Naalakkersuisut Danmarkimi Erhvervsstyrelsimut saaffiginnissuteqarsinnaapput.

Eqqartuussivilersuussisinnaaneq

§ 22. §§ 8-mit 11 ilanngullugu aamma § 20, imm. 2 malillugit itigartitsineq, naalakkiuteqarneq, inerteqquteqarneq imaluunniit piumasaqaatit il.il. pillugit eqqartuussisunut suliaassanngortitsineq, eqqartuussivinnut Kalaallit Nunaani piginnaasaqartunut taamaallaat saqqummiunneqarsinnaavoq. Aalajangiineq eqqartuussivinnut saqqummiunneqartoq, suliarinneqqaarfittut Nunatsinni Eqqartuussivimmut saqqummiunneqasaaq.

Imm. 2. Imm. 1 malillugu §§ 8-miit 11 ilanngullugu aalajangersakkat malillugit itigartitsineq, naalakkiuteqarneq, inerteqquteqarneq imaluunniit piumasaqaatit pillugit eqqartuussisunut suliaassanngortitsineq, akuusumut pineqartumut aalajangiinerup nalunaarutigineqarnerata kingorna qaammatit 6 iluanni saqqummiunneqasaaq.

Imm. 3. Pisuni immikkut ittuni, inuit, Politiit Immikkut Paasiniaasartuini sulisut, Naalakkersuisut eqqartuussinermi sinniisutut pisinnaatitaatitatus eqqartuussinermi peqataatissinnaavaat.

§ 23. Eqqartuussivimmut suliamik saqqummiussisimasumut, imaluunniit suliami akuusutut ilannguttumut, aamma paasissutissat, akuusunut allagaatinik takunnissinnaatitaanermit mininneqartut eqqarsaatigalugit, taanna sinnerlugu akuusutut pisinnaatitaasumut soqutigisanik isumaginnittussamik, eqqartuussivik eqqartuussissuserisumik immikkut ittumik ivertitsissaaq. Eqqartuussissuserisoq illersuisut immikkut ittut ilaannit, Kalaallit Nunaanni eqqartuussisarnermik inatsimmi § § 339 c, imm. 7, aamma § 392, imm. 4 malillugit suliani ivertinneqarsinnaasoq, ivertinneqassaaq.

Imm. 2. Imm. 1 malillugu eqqartuussissuserisoq immikkut ittoq, suliami eqqartuussinerit tamaasa pillugit nalunaarfigineqassaaq aamma taakkunani peqataanissaminut pisinnaatitaavoq. Eqqartuussissuserisoq immikkut ittoq suliami ilaasunik, atortussat pillugit ilisimatinneqassaaq aamma assilillugit sanaqqinneqarnerannik tunineqassalluni, taamaattoq imm. 3 takuuk.

Imm. 3. Kalaallit Nunaata isumannaatsuunissaa imaluunniit tamat toqqissimatinneqarnissaat eqqarsaatigalugit, eqqartuussissuserisumut immikkut ittumut assilillugit sanaqqinneqartunik tunniussisoqarsinnaanngitsoq, Naalakkersuisut aalajangersinnaavaat. Aalajangiineq eqqartuussissuserisumit immikkut ittumit eqqartuussivimmut saqqummiunneqarsinnaavoq.

§ 24. Paasissutissat, akuusut allagaatinik takunnissinnaatitaanerannit mininneqartut, akuusumut ingerlateqqinneqassanngillat, kisianni taamaallaat eqqartuussissuserisumut, § 23, imm. 1 malillugu ivertinneqartumut, ingerlateqqinneqassapput. Paasissutissat taamaattut immikkut eqqartuussissuserisumut tunniunneqarpata, eqqartuussissuserisup suliaq akuusumut, imaluunniit taassuma eqqartuussissuserisuanut oqaloqatigiissutigisinnaanngilaa aamma eqqartuussinerni, taakkunani akuusoq aamma taassuma eqqartuussissuserisua najuutsillugit oqaaseqaateqarsinnaanani. Akuusoq, taassumalu eqqartuussissuserisua qaqugukkulluunniit suliaq pillugu immikkut eqqartuussissuserisumut allakkatigut nalunaaruteqarsinnaapput.

Imm. 2. Isumannaallisaaanermut pissutsinut tunngassuteqartunut akuusut allagaatinik takunnissinnaatitaanerannit mininneqarneq tunngavilersorsinnaanngippassuk, § 23, imm. 1 malillugu, paasissutissat Inatsisartut inatsisaat manna malillugu Naalakkersuisut aalajangiineranni ilaatinneqarsimasut, inummot aamma taassuma eqqartuussissuserisuanut, eqqartuussiviup, nammineq aalajangiinermigut imaluunniit immikkut eqqartuussissuserisup piumasqaateqarneratigut, ingerlateqqissinnaavai. Aalajangiineq aalajangiinikkut, aamma immikkut ittumik eqqartuussissuserisoq aamma inuk pisortat sinnerlugit suliami akuusoq, oqaaseqaateqarnissaminnik periarfissinneqareerneranni aalajangerneqassaaq. Aalajangiineq inunnit, oqaaseqatigiit aappaanni taaneqartunit, aalajangeqqitassanngortinneqarsinnaavoq.

Paasissutissat ingerlateqqinneqarsinnaanerit pillugit aalajangiinerup aalajangeqqitassanngortinneqarnera kinguartitsinermik kinguneqassaaq.

Imm. 3. Imm. 2-mi oqaaseqatigiit siulliit malillugit eqqartuussivik aalajangiisimappat, paasissutissat pineqartut eqqartuussivimmut suliami ilaannginnissat, Naalakkersuisut aalajangersinnaavaat.

§ 25. Eqqartuussinerup ilaa, paasissutissat § 18, imm. 2 malillugu aalajangiinerup tunngassuteqarlutik imaluunniit saqqummiunneqarlutik imaluunniit suliarineqarlutik, aamma § 24, imm. 2 malillugu aalajangiinerup ilaatinneqanngitsut, matut matullugit ingerlanneqassaaq. Eqqartuussinerup ilaani tassani § 23, imm. 1 malillugu immikkut ittumik eqqartuussissuserisoq ivertinneqartoq peqataassaaq, kisianni inuk, aamma taassuma eqqartuussissuserisua peqataassanngillat.

Imm. 2. Eqqartuussinerup, imm. 1 malillugu tamakkiisumik imaluunniit ilaannakoortumik matut matoqqatillugit ingerlanneqartut qanoq naammassineqassanersut, eqqartuussiviup aalajangissavaa.

Atortuulersitsineq

§ 26. Inatsisartut inatsisaat manna 1. januar 2026-mi atuutilissaaq.

Imm. 2. Nunanit allanit aningaasaliinernut, inatsisip atuutilinnginnerani naammassineqartunut, Inatsisartut inatsisaat atuutinngilaq.

Namminersorlutik Oqartussat, ulloq xx. xxx 2025

Naalakkersuisut Siulittaasuat